

Il Pitschen Prinzi

In classicher da la litteratura mundiala en la seria Top Kids

■ (rtr) Radiotelevisiun Svizra Rumantscha (RTR) e la Lia Rumantscha (LR) publiteschan cun lur nov disc compact dubel da la seria Top Kids l'istorgia dal Pitschen Prinzi che vegn dad in planet ester sin terra. El mussa a nus da guardar il mund cun auters egl.

«Ins vesa bain mo cun il cor. L'essenzial na ves'ins betg cun ils egl», tradescha la vulp ses misteri. «L'essenzial na ves'ins betg cun ils egl», ha repetì il Pitschen Prinzi per tagnair endament.

La paraula dal Pitschen Prinzi è ina istorgia plain poesia e sabientscha, publicada il 1943, ma ch'è anc oz actuala. Ina capodovra da la litteratura mundiala. L'istorgia è per uffants e per creschids – tuts pon tadlar e chattar quai ch'è il moment impurtant per els. Davos mintga maletg, mintga chapitel e mintga episo da èn anc ulteriurs maletgs. Uschia na po l'uffant anc betg savair che la rosa stat per l'amur e la bellezza da las dunnas. Ma il sentiment da la cumpassiun e da la solidaritad umana resta. Ed insatge impurtant mussa l'istorgia: pasch datti be sche mintgin chatta sia pasch – pasch cun sa sez e cun ils conumans.

Il Pitschen Prinzi cumpara sin il 20avel disc compact da la seria Top Kids da RTR e da la LR. In'emprova auditiva dal disc chatt'ins en l'internet sin www.simsalabim.rtr.ch e sin www.liarumantscha.ch sut «Actual».

Il disc compact dubel pon ins cumprar per 29.50 francs tar:

– Radiotelevisiun Svizra Rumantscha,
081 255 75 75 |

www.simsalabim.rtr.ch

– Lia Rumantscha, 081 258 32 22 |

www.liarumantscha.ch

– tut las librerias che vendan products rumantschs



Cover dal Top Kids II Pitschen Prinzi. MAD